

卷二

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始
 有物而混成何元一之芒昧兮廓開闢而著形爾乃清
 濁剖兮玄黃判離太極既殊是生兩儀星辰煥列日月
 重規兮動以尊地靜以卑尋明迭炤或盈或虧陰陽協
 氣下兮謝寒暑隨時而推移三才殊性五行異位千變
 萬化兮育庶類授之以形稟之以氣色表文采聲有音
 律應兮無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本
 撰者 明 劉節 輯
 卷 卷二
 內容分類 集-總集-詩文
 索書號 大木-集部-總集類-3
 編號 D7920300

彩色首頁

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

廣文選卷第二

明通議大夫都察院右副都御史大庾劉節廣

遊覽

遊居賦

班叔皮

夫何事於冀州聊託公以遊居歷苑土而觀風亦慙人
 之所虞遂發軔於京洛臨孟津而北厲想尚甫之威虞
 號蒼兕而明誓既中流而歎息美周武之知性謀人神
 以動作享烏魚之瑞命瞻淇澳之園林善綠竹之猗猗
 望常山之峩峩登北嶽而高遊嘉孝武之乾乾親飾躬
 於伯姬建封禪於岱宗瘞玄玉於此丘徧五岳與四瀆
 觀滄海以周流鄙臣恨不及事陪後乘之下僚今匹馬
 之獨征豈斯樂之足娛且休精於敝邑聊卒歲以須臾

節遊賦

曹子建

覽宮宇之顯麗實大人之攸居建三臺於前處飄飛陛
以凌虛連雲閣以遠徑觀榭於城隅亢高軒以迥眺緣
雲霓而結疏仰西岳之崧岑臨漳滏之清渠觀靡靡而
無終何眇眇而難殊亮靈后之所處非吾人廬於是仲
春之月百卉叢生萋萋藹藹翠葉朱莖竹林青葱珍果
含榮凱風發而時鳥謹微波動而水蟲鳴感氣運之和
潤樂時澤之有成遂乃浮素蓋御驂騶命友生攜同儔
訟風人之所歎遂駕言而出遊步北園而馳騫庶翱翔
以寫憂望洪池之滉漾遂降集乎輕舟沉浮蟻於金壘
行觴爵於好仇絲竹發而響厲悲風激於中流且容與
以盡觀聊永日而忘愁嗟羲和之奮策怨曜靈之無光
念人生之不永若春日之微霜諒遺名之可絕信天倫
之無常愈志蕩以淫遊非經國之大綱罷曲宴而旋服
遂言歸乎舊房

登虎牢山賦

潘安仁

辭京輦兮遙邁將遠遊兮東夏朝發軔兮帝壙夕結軌
兮中野憑脩坂兮停車臨寒泉兮飲馬春故鄉之遼隔
思紆軫以鬱陶步玉趾以升降凌汜水而登虎牢覽河
洛之二川眺成平之雙阜崇嶺馮以崔崒幽谷豁以寥
寥路透迤以迫隘林廓落以蕭條爾乃仰蔭嘉木俯藉
芳卉青煙鬱其相望棟宇懷以鱗萃彼登山而臨水因
先詰之所哀矧去鄉而離家邈長辭而遠乖望歸雲以
歎息腸一日而九迴良勞者之詠事爰寄言以表懷

登臺賦

陸士龍

永寧中參大府之佐於鄴都以時事巡行鄴官三臺登高有感因以言崇替廼作賦云

承后皇之嘉惠兮翼聖宰之威靈肅言而述業兮乃啓行乎北京巡華室以周流兮登崇臺而上征攀凌坻而遂躋兮迄雲閣而少寧爾乃佇眄瑤軒滿目綺寮中原方華綠葉振翹嘉生民之疊疊兮望天畧之蒼蒼歷玉階而容與兮蘭堂以逍遙蒙紫庭之芳塵兮駭洞房之迴飈頽嚮逝而迁物兮傾冠舉而凌霄曲房榮而窈眇兮長廊邈而蕭條於是迴路季夷邃宇玄芒深堂百室曾臺千房闢南窓而蒙暑兮啓朔牖而履霜遊陽堂而夕溫兮步陰房而夏涼萬禽委蛇於潛室兮驚鳳矯翼

而來翔紛譎譎於有象兮邈悠忽而無方于時南征司火朱明鬱遂縣車式徐曜靈西墜暑乘陰而增炎兮景望淵而曖昧玩瓊宇而情厭兮覽八方而思銳陋雨館之常規兮鄙鳴鶴之蔽第仰凌眇於天庭兮俛旁觀乎萬類北溟浩以揚波兮青林煥其興蔚扶桑細於毫末兮崑崙卑乎覆篲於是忽焉俛仰面天地既必宇宙同區萬物爲一原千變之常鈞兮齊億載於今日彼區中之側陋兮非吾黨之一室本達觀於無形兮今何求而有質於是聊樂近遊薄言儻佯朝登金虎夕步文昌綺疏列於東序朱戶立乎西廂經蕤上以披藻兮椒塗馥而遺芳感舊物之咸存兮悲昔人之云亡憑虛檻而遠想兮審歷命於斯堂於是精疲遊倦白日藏輝鄙春登

之有情兮惡荆臺之忘歸聊弭節而駕言兮悵將逝而
徘徊感崇替之靡常兮悟廢興而永懷隆期啓而雲升
逝運靡其如頽長發惟祥天鑒在晉肅有命而龍飛兮
跼重斯而肇建嘉有魏之欽若兮鑿靈符而告禪清文
昌之離宮兮虛紫微而爲獻委普天之光宅兮質率土
之黎彥欽哉皇之承天集北顧於乃眷誕洪祚之遠期
兮則斯年於有萬

登樓賦

郭景純

在青陽之季月登百尺以高觀嘉斯遊之可娛乃老氏
之所嘆撫凌檻以遥想乃極目而肆運情眇然以思遠
悵自失而潛温瞻禹臺之隆屈奇巫咸之孤時美鹽池
之凝汗蒸漉雲分而霞起異傳巖之幽人神介山之伯子

揖首陽之二老招鬼谷之隱士嗟玉室之蠢蠢方
而極武哀神器之遷浪指綴旒以譬主雄戟列於廊枝
戎馬嗚呼講柱寤若華而增恠歎飛駟之過戶陟茲樓
以曠眺情慨爾而懷亡

菟園賦

枚叔

脩竹檀欒夾池水旋菟園並馳道臨廣衍長冗坂故徑
於崑崙觀相物芴焉子有似乎西山西山陞陞卹焉
隗隗崕路萎移崧巖崑崙從魏繖焉暴燁激揚塵埃蛇龍
奏林薄竹遊風踊焉秋風揚焉滿度度焉紛紛紆紆騰
踊雲亂枝葉翬散摩來幡幡焉谿谷沙石涸波沸日爰
浸疾東流連焉鱗鱗陰發緒菲菲閭閭謹擾昆雞蜺蛙
倉庚密切別鳥相離哀鳴其中若乃附巢蹇鷺之傳於

列樹也。櫺櫺若飛雪之重，弗麗也。西望西山，山鵲野鳩，白鷺鷗，桐鷗，鷓鴣，鷓鴣，翡翠，鳩，鴿，守狗，戴勝，巢枝穴，藏被，塘臨谷，聲音相聞，喙尾離屬，翺翔羣熙，交頸接翼，闕而未至，徐飛，狺狺往來，霞水離散，而沒合疾，疾紛紛若塵埃之間，白雲也。予之幽冥究之乎？無端於是。晚春早夏，邯鄲，襄國，易陽之容麗人及其燕飾，子相予，雜選而往，款焉，車馬接軫，相屬，方輪錯轂，接服何驟，披銜跡，蹶自奮，增絕，怵惕騰躍，水意而未發，因更陰逐之，相秩奔隊，林臨河，怒氣未竭，羽蓋繇起，被以紅沫，濛濛若雨，委雪高冠，扁焉，長劔閒焉，左挾彈焉，右執鞭焉，日移樂襄遊，觀西園之芝芝，成宮闕，枝葉然，茂選擇純熟，挈取含首，復取其次，顧賜從者，於是從安步，鬪鷄走兔，俛仰鈞

射煎熬，炮炙極樂，到暮若乃夫，郊采桑之婦人，兮往，陽錯紆連袖，方路摩馳，長髮便娟，數顧芳温，往來接神，連才結已，諾不分，縹併進，靖儻笑，連便不可忍，視也。於是婦人先稱曰：春陽生兮，萋萋不才子兮，心哀見嘉，客兮不能歸，桑萎蠶飢，中人望奈何。

章華賦

邊文禮

楚靈王既遊雲夢之澤，息於荆臺之上，前方淮之水，左洞庭之波，右顧彭蠡之隩，南眺巫山之阿，延目廣望，騁觀終日，顧謂左史倚相曰：盛哉斯樂，可以遺老而忘死也。於是遂作章華之臺，築乾谿之室，窮木土之技，單珍寶之實，舉國營之數年，乃成。設長夜之淫宴，作北里之新聲。於是伍舉知夫陳蔡之將生謀也，乃作此賦以諷。

之胄高陽之苗胤兮承聖祖之洪澤建列藩於南楚兮
等威靈於二伯超有商之大彭兮越隆周之兩虢達皇
佐之高勳兮馳仁聲之顯赫惠風春施神武電斷華夏
肅清五服攸亂且垂精於萬機兮夕回輦於門館設長
夜之歡飲兮展中情之嫵婉竭四海之妙珍兮盡生人
之祕玩爾乃携窈窕從好仇徑肉林登糟丘蘭肴山竦
椒酒淵流激玄醴於清池兮靡微風而行舟登瑤臺以
回望兮冀彌日而消憂於是招宓妃命湘娥齊倡列鄭
女羅揚激楚之清宮兮展新聲而長歌繁手超於北里
妙舞麗於陽阿金石類聚絲竹群分被輕桂曳華文羅
衣飄颻組綺繽紛縱輕軀以迅赴若孤鶻之失群振華
袂以逶迤若遊龍之登雲於是歡讌既洽長夜向半琴

瑟易調繁手改彈清聲發而響激微音逝而流散振弱
支而紆繞兮若綠繁之垂幹忽飄颻以輕逝兮似鸞飛
於天漢舞無常態鼓無定節尋聲響應修短靡跌長袖
奮而生風清氣激而繞結爾乃妍媚遽進巧弄相如俯
仰異蓉忽兮神化體迅輕鴻榮曜春華進如浮雲退如
激波雖復柳惠能不咨嗟於是天河既回淫樂未終清
籥發徵激楚揚風於是音氣發於絲竹兮飛響軼於雲
中比目應節而雙躍兮孤雌感聲而鳴雄美繁手之輕
妙兮嘉新聲之彌隆於是衆變已盡群樂既考歸平生
風之廣夏兮脩黃軒之要道携西子之弱腕兮援毛嬙
之素肘形便娟以嬋媛兮若流風之靡草美儀操之姣
麗兮忽遺生而忘老爾乃清夜晨妙技單收尊俎徹鼓

盤惘焉若醒撫劔而歎慮理國之須才悟稼穡之艱難
美呂尚之佐周善管仲之輔桓將超世而作理焉沈湎
於此歡於是罷女樂墮瑤臺思夏禹之卑宮慕有虞之
土階舉英奇於仄陋拔髦秀於蓬萊君明哲以知人官
隨任而處能百揆時序庶績咸熙諸侯慕義不召同期
繼高陽之絕軌崇成莊之洪基雖齊桓之一匡豈足方
於大持爾乃育之以仁臨之以明致虔報於鬼神盡肅
恭乎上京馳淳化於黎元永歷世而太平

學梁王兔園賦

江文通

或重古輕今者僕曰何為其然哉無知音則已矣聊為
古賦以奮枚叔之製焉

碧山倚嶽崎兮象海水碣石朝日晨霞兮絕紅壁仰望

沉寥兮數千尺硿硿嶮嶮汨漉成岫矜呀而窟竇嗒
礧確紫蕪丹駁苔默綺縹若斷若續如此者百有十處
奔水激集澗溟絜渠滴湓吐吸跳波走浪濺沫而相及
淵漾長驚澆灌遠注無時息焉青樹玉葉彌望成林亦
有輪囷磈硿一枝百頃萬葉共陰縹草丹蘅江離蔓荆
酷郁交布原滿隰平於是金塘洄演綠竹被坂繚繞青
翠近而復遠白砂如積雪者焉碧石如圓玦者焉水鳥
駕鵝鷓鴣鷓鴣上飛衡陽下宿沅漢十五五忽合而
復散乃有綺雲之館頰霞之臺其樂足以棄國釋位遺
死忘歸也若夫墨翟商瞿之倫學兼師術才參道真方
駕蓮軫于沼之濱乃射宿餌魴前繳鷓鷯青黏黃梁矐
鼈蔽美臚狔柘漿窮嬉極娛雲翺兮烟翔超然左覽蒼

梧右睨鄧林崩石梧岸峒叻藏陰逮至山頂丹壁肆平
靈木夾道神草列生俯瞰太一下視流星旣投冠而棄
劍亦抗魄而盪靈於是大夫之徒稱詩而歸春陽始映
朱華未希卒逢邯鄲之女蕙色玉質命知其麗攢連映
日綺裳下見錦衣上出雖復守禮令人意失遂謠曰碧
玉作碗銀為盤一刻一鏤化雙鸞乃報歌曰美人不見
紫錦衾黃泉應至何所禁妃因別曰見上客兮心歷亂
送短詩兮懷長歎中人望兮豔旣飢爨蹠暮兮思夜半

廣文選卷第二

江都葛澗校

廣文選卷之第三

明通議大夫都察院右副都御史大庾劉節廣

江海 山水附

覽海賦

班叔皮

余有事於淮浦覽滄海之茫茫悟仲尼之乘桴聊從容
而遂行馳鴻瀨以漂鶩翼飛風而迴翔顧百川之分流
煥爛熳以成章風波薄其稟稟邈浩浩以湯湯指日月
以為表索方瀛與壺梁曜金璆以為闈次玉石而為堂
萱芝列於階路涌醴漸於中唐朱紫彩爛明珠夜光松
喬坐於東序王母處於西箱命韓衆與岐伯講神篇而
校靈章願結旅而自托因離世而高遊騁飛龍之駭駕
歷八極而迴周遂竦節而響應忽輕舉以神浮遵霓霧